

Алдр Октябрин 40-ч джилин өөниг кўч-көлснә шин диилврмүд кўцлгъяр темдглхмн

Ставропольск Совнархозин предприятъсин кōдлмшчнрт, кōдлмшч кўўкд улст, инженермүдт, техникүдт үүлд цергләчнр, Невинномысск ноос угъадг, В. И. Ленинә нертә фабрикин коллективин илгәджәх дуудвр

Үнтә үүрмүд! КПСС-н XX-ч хургин тууджлгч шиидврмүд кўцәдж йовх учрар, Октябрьск революцд нерәдгдсн делгрүлдж йовх социалистическ дōрлдәнд орлцлгъяр мана фабрикин коллектив түрүн брәл джилә зурагъан цуг техникo-экономическ узмджәрнә йовудтагъяр кўцәгъяд, зурагъасн даву 39 сай арслнъга эд-тавр гаргъя. Производств ясурулгъна тускар кōдлмшчнр бгдг заавр олзлсна ашднә минъгън арслнъ арвлгдв.

Ачлгъ ачлгъна буулгългъна кōдлмш, гарар кедг кōдлмшиг фабрик машигъяр кедг болджана. Кōдлмш кедг газриг болн кōдлмшчнрин поселки керүлдж-сәәхрүлгъяр фабрикин коллектив ик гидг кōдлмш кев. Предприятъсин кōдлмшчнрин, үүлд цергләчнрин бәәдл-джиргълнә, бәәдг гермүднә ясрджана. Предприятин мōнъгәр 12 пәтртә әмтн бәәдг гер бәргдәд олзлгдджана. Бас нег 39 пәтртә гер, дакад эздүл бийснә бәрджәх 125 гер тосхгдджана. Фабричн амрлгъна болн культурин парк кедв, пионермүдин лагерь секгдв, стадиона тосхлт дуусгдв, хотхол хулддг магазин бәргдәд, кōдлмшән эклв.

Октябрьск революцд нерәдгдсн дōрлдәнд орлцлдж йовх улсас кōдлмшин зурагъан

140—250 процент кўргдж кўцәдг производствин өмн нүүрт йовдг әмтсин тонь фабрикд өсв.

Алдр байрин өдриг мана коллектив кўч-көлснә шин диилврмүд кўцлгъяр, урмдтагъяр беллджәнә. Урднә бийдән авсн социалистическ даалгъвран шинәс хәләгъяд, өдән даалгъвр авч болхмн гидж тоолджанавдн. Эврәннә эв-аргъан, кōрнъгән дүннәд Алдр Октябрьск социалистическ революцин 40-ч өбнд нерәдәд 10 сара зурагъан болзгаснә өмн кўцәхмн, ноябрин 7 кўртл 60 сай арслнъга эд-тавр зурагъасн даву гаргъхмн, цуг кōдлмшчнр кōдлмшиннә кемджәг 35 процент давулдж кўцәхиг тетгхмн, ноос түрүн угъадж-үрлж гаргългъан 99,8 процент кўцәхмн, кедж гаргългъна кўч-көлсиг 1 процент, оборудовань—3 процент өсгхмн, гаргъсн эд-таврин үнинь 0,1 процент килврдүлхәр зүтгхмн, 1 сай 250 минъгън арслнә зурагъас давулдж олз орулхмн.

Изобретатель болн рационализатор улсин джисәг улм өргнәр делгрүлдж, производствд шин техник орулдж, энүнә ашднә 400 минъгън арслнә арвлдж авхмн.

400 ормта зуна театр, гастрономическ болн темснә мага-

зид бәрдж дуусад, тедниг өбрхн өдрмүдин эргцд кōдлмш кедг болгънавдн гидж үгән өгчәнәвдн. 1957 джилин октябрин 1-шин кўртл фабричн поселкин агъуд утдан 1,5 километр хаалгъ асфальтар бүркнәвдн, ноос угъалгъна багъ сортировкад сōрдж салк орулдг машиг ноябрин 1-шин кўртл кōдлдг кенәвдн.

Октябрьск социалистическ революцин 40-ч өбнд нерәддж бийдән өдән социалистическ даалгъвр авад Ставропольск олн-әмтнә эдл-ахун Советин предприятъсин цуг кōдлмшчнриг, кōдлмшч кўўкд улсиг, инженерно техническ кōдләчнриг болн үүлд цергләчнриг бийсдән бәәсн производствиннә эв-аргъиг кўццднә олзлтн, бийдән авсн социалистическ даалгъвран шинәс хәләдж, улм өдән даалгъвр автн гидж дуудджанавдн.

Үнтә үүрмүд! Алдр байрин өдриг кўндтәгъяр тосхин тōлә дōрлдәг улм өргәр делгрүлий! Алдр Октябрин 40-ч өбниг кўч-көлснә шин диилврмүдәр темдглхмн!

В. И. Ленинә нертә, ноос угъадг Невинномысск фабрикин кōдлмшчнрин, инженерно-техническ кōдләчнрин болн үүлд цергләчнрин конференц батлдж авсн дуудвр.